



Basa professiunala per la 'Collavuraziun'

En il rom da la 'Validaziun e promoziun da scola 2021-2026' evaluescha l'inspecturat da scola en il sector da la direcziun da scola la dimensiun 'Collavuraziun'. L'integraziun instituziunala da l'indizi da qualitat 'Collavuraziun' è vegnida eruida sistematicamain cun il portfolio da scola dal 2006-2010. En il rom da VPS 2011-14 è vegnì evaluà quest indizi areguard la realisaziun en la pratica per l'emprima giada pli detagliadamain. Tant las autovalidaziuns da las persunas d'instrucziun, ils/las mainascolas e commembers dal cussegl da scola sco era la validaziun da l'inspecturat da scola han demussà in basegn d'agir. La direcziun da scola (cussegl da scola e mainascola) è dumandada da surpigliar sia incumbensa directiva en quest sector. Quella giada ha l'evaluaziun demussà che la collavuraziun è caracterisada pli da maniera organisatorica che focusada sin l'instrucziun.

'Collavuraziun' en scolas n'è betg pli in trend da moda, mabain ina realitad vivida en il mintgadi da scola e francada en il mandat professiunal da las persunas d'instrucziun. Las scolas stattan ozendi davant grondas sfidas. Per las superar da maniera professiunala e cun success, ston las persunas d'instrucziun tgirar ina collavuraziun intensivada.

La sfida che las classas da scola daventan pli e pli eterogenas ed il fatg che adina dapli persunas d'instrucziun da rom lavuran era in scola primara illustreschan l'impurtanza da la collavuraziun da tut las persunas d'instrucziun participadas en ina classa. Ma era sur las classas ora lavuran persunas d'instrucziun ensemen. En teams d'instrucziun sa cunvegnan ellas davart cuntegns e finamiras d'emprender, sa sustegnan vicendaivlamain tar la preparaziun e la reflexiun da l'instrucziun e la sviluppan vinavant.

La realisaziun dal Plan d'instrucziun 21 GR ha demussà l'impurtanza d'ina collavuraziun bain francada en scola. Sche las persunas d'instrucziun collavureschan bain e sviluppan vinavant ensemen lur competenzas professiunalas, pon ellas sa distgargiar vicendaivlamain. La scola stgaffescha cun crear teams da classa e da l'instrucziun structuradas che pussibiliteschan in svilup da l'instrucziun damanaivel al mintgadi e segireschan la qualitat da la lavur pedagogica.

La 'Collavuraziun interna da la scola' sa lascha deducir da la lescha da scola ed è era concretisada en il rom d'orientaziun 'Buna scola' en il sector da la direcziun da scola: **"La collavuraziun interna da la scola è reglada liantamain e vegn examinada regularmain areguard sias finamiras. Ella sustegna las persunas d'instrucziun en lur instrucziun e gida a promover las scolaras ed ils scolars."**

Ulteriuras infurmaziuns

- a. **Lernorientierte Zusammenarbeit** Beispiele aus dem 1. und 2. Zyklus mit dem Fokus Sprachförderung (ZH) -> [hildebrandt_etal_2020.pdf \(phzh.ch\)](https://www.phzh.ch/hildebrandt_etal_2020.pdf)
- b. **Unterrichtsbezogene Zusammenarbeit Entwicklung und Entlastung durch Kooperation** (TG) -> [sn21_qualik_a4_d_200911.pdf \(schulnetz21.ch\)](https://www.schulnetz21.ch/sn21_qualik_a4_d_200911.pdf)